

BOSNA I HERCEGOVINA
FEDERACIJA BOSNE I
HERCEGOVINE
TUZLANSKI KANTON
OPĆINA BANOVICI
OPĆINSKI NAČELNIK



БОСНА И ХЕРЦЕГОВИНА
ФЕДЕРАЦИЈА БОСНЕ И
ХЕРЦЕГОВИНЕ
ТУЗЛАНСКИ КАНТОН
ОПШТИНА БАНОВИЋИ
ОПШТИНСКИ НАЧЕЛНИК

Adresa: Ul. Alije Dostovića br: 1. 75290 Banovići

Tel: 00387 35 743 400, Fax: 00387 35 743 433, e-mail: opcina@banovic.gov.ba, Web: www.banovici.gov.ba

Broj: 01-11-1884/26-4

Datum: 04.06.2026. godine

Na osnovu člana 64. stav 1. tačka b, člana 70. stavovi 1, 3. i 6. Zakona o javnim nabavkama (Službeni glasnik BiH broj 39/14, 59/22 i 50/24), člana 70. Zakona o organizaciji organa uprave u Federaciji Bosne i Hercegovine („Službene novine FBiH, broj 35/05”) člana 15. Zakona o principima lokalne samouprave u Federaciji Bosne i Hercegovine („Službene novine FBiH“ broj 49/06) člana 43. Statuta Općine Banovići (Službeni glasnik općine Banovići broj 2/20) i Preporuke Komisije za javnu nabavku, broj: 01-11-1884/26-3 od 02.06.2026. godine u postupku javne nabavke usluga „Izrada Glavnog projekta kanalizacione mreže u naselju Selo II, Banovići Selo“, Općinski načelnik donosi

ODLUKU O IZBORU NAJPOVOLJNIJEG PONUĐAČA

Član 1.

Prihvata se Preporuka Komisije za javnu nabavku broj: 01-11-1884/26-3 od 02.06.2026. godine za nabavku usluge „Izrada Glavnog projekta kanalizacione mreže u naselju Selo II, Banovići Selo“ dodjeljuje se ponuđaču PGP Hidroinženjering d.o.o. Tuzla sa sjedištem u Ul. trgovinski-zanatski centar „Sjenjak“ bb, 75000, prema ponudi broj: 26-1/05/26 od 26.05.2026. god. za ukupnu ponudenu cijenu od **1.880,00 KM** bez PDV-a, kao ponuđaču čija je ponuda najpovoljnija u ovom predmetu javne nabavke.

Član 2.

Prijedlog Ugovora o nabavci usluga dostavit će se na potpis izabranom ponuđaču iz člana 1. ove Odluke nakon dostavljanja dokumenata (originali ili ovjerene fotokopije) kojima dokazuje ispunjavanje uslova za kvalifikaciju kako je predviđeno tenderskim dokumentom tj. dokumenata kojima se potvrđuje izjava iz člana 45. Zakona o javnim nabavkama, a najkasnije u roku od 7 dana računajući od dana kada su svi ponuđači obaviješteni o izboru najpovoljnije ponude, pod uslovom dostave uredne dokumentacije iz člana 45. Zakona.

U slučaju nedostavljanja dokumenata i izjavljivanja žalbe na Odluku o izboru postupa se prema pozitivnim propisima.

Član 3.

Ova Odluka objavit će se na internet stranici www.banovici.gov.ba istovremeno s njenim upućivanjem svim ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama (Službeni glasnik Bosne i Hercegovine, broj 39/14; 59/22 i 50/24).

Obrazloženje

Odlukom o pokretanju postupka javne nabavke usluga broj: 01-11-1884/26 od 07.05.2026.godine donesenoj od strane ovog organa pokrenut je postupak javne nabavke usluga „Izrada Glavnog projekta kanalizacione mreže u naselju Selo II, Banovići Selo“

Predmetna javna nabavka predviđena je u Planu javnih nabavki Općine Banovići za 2026. godinu, evidencijski broj 51 - Usluge.

Javna nabavka usluga sprovedena je putem otvorenog postupka javne nabavke.

Procijenjena vrijednost javne nabavke bez PDV-a je 5.000,00KM.

Podaci o e-aukciji: U postupku nije predviđeno provođenje e-aukcije.

Podaci o okvirnom sporazumu: Nije predviđeno zaključivanje okvirnog sporazuma.

Broj Obavještenja o nabavci sa Portala javnih nabavki: 1220-1-2-43-3-92/26 od 08.05.2026. godine.

Tenderska dokumentacija objavljena je na portalu javnih nabavki <https://www.ejn.gov.ba> dana 08.05.2026. godine.

JR/JN oznaka i naziv predmeta javne nabavke:

71242000-6(Izrada projekta i nacrt, procjena troškova).

Komisija za javnu nabavku imenovana je rješenjem Općinskog načelnika broj: 01-04-84/26 od 14.01.2026. godine, ovom organu dostavila je dana 04.06.2026. godine Zapisnik o pregledu i ocjeni ponuda broj: 01-11-1884/26-2 od 02.06.2026. godine i Preporuku o izboru najpovoljnijeg ponuđača broj: 01-11-1884/26-3 od 02.06.2026. godine u postupku javne nabavke usluga „Izrada Glavnog projekta kanalizacione mreže u naselju Selo II, Banovići Selo“.

U postupku je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- da je ukupan broj pristiglih ponuda za navedenu nabavku pet (5), ponude sljedećih ponuđača:

1. TQM d.o.o. institut za kvalitet, standardizaciju i ekologiju, sa sjedištem u Ul. Nikole Tesle 3C, 75000 Tuzla,
(datum predaje ponude 25.05.2026. godine; vrijeme predaje ponude 09:22 h),
2. IBIS d.o.o. Zavidovići, sa sjedištem u Ul. Husein Kapetana Gradaševića br. 16, 72220 Zavidovići
(datum predaje ponude 25.05.2026. godine; vrijeme predaje ponude 10:01 h),
3. PGP Hidroinženjering d.o.o. Tuzla sa sjedištem u Ul. trgovinski-zanatski centar „Sjenjak“ bb, 75000 Tuzla (datum predaje ponude 28.05.2026. godine; vrijeme predaje ponude 09:31 h)
4. Institut za hidrotehniku d.d. Sarajevo, sa sjedištem u Stjepana Tomića 1, 71000 Sarajevo
(datum predaje ponude 28.05.2026. godine; vrijeme predaje ponude 11:18 h),
5. TALWEG d.o.o. sa sjedištem u Ul. Kaldurma 2, 75000 Tuzla
(datum predaje ponude 29.05.2026. godine; vrijeme predaje ponude 10:22 h),

- da je blagovremeno zaprimljeno svih 5 (pet) ponuda,

- da nema neblagovremenih ponuda,

- da su sve ponude ocijenjene prihvatljivim izuzev ponude ponuđača TALWEG d.o.o. sa sjedištem u Ul. Kaldurma 2, 75000 Tuzla koja ponuda je odbačena kao neprihvatljiva i/ili nepravilna, iz slijedećih razloga:

1. Ponuda ponuđač TALWEG d.o.o Tuzla

Tačkom 17.4 Tenderske dokumentacije predmetnog postupka *Tehnička i profesionalna sposobnost – u smislu člana 48. i 50. Zakona je određeno da u smislu tehničke i profesionalne sposobnosti ponuđači trebaju ispuniti sljedeće minimalne uslove:*

- a) Uspješno iskustvo u realizaciji najmanje 1 (jednog) ugovora koji je u vezi sa predmetnom nabavkom u prethodne tri godine ili od datuma registracije, odnosno početka poslovanja, ako je ponuđač registrovan, odnosno počeo sa radom prije manje od tri godine, bez obzira na vrijednost. Pod ugovorom koji je u vezi sa predmetnom nabavkom podrazumijeva se ugovor za projektovanje kanalizacione mreže.
- b) Ponuđač se mora nalaziti na listi A ili B Federalnog ministarstva poljoprivrede, šumarstva i vodoprivrede da je ovlašten za usluge projektovanja vodoprivrednih objekata. (Pravilnik o uvjetima i kriterijima koje mora ispunjavati pravno lice za izradu dokumentacije na osnovu koje se izdaju vodni akti – Sl.novine FBiH br. 17/08),

te da su ponuđači u smislu dokaza tehničke i profesionalne sposobnosti uz ponudu dužni dostaviti:

- a) spisak izvršenih ugovora (najmanje jedan ugovor) u posljednje tri godine, ili od datuma registracije, odnosno početka poslovanja, ako je ponuđač registriran, odnosno počeo sa radom prije manje od tri godine, bez obzira na vrijednost, sačinjen na obrascu koji se nalazi u prilogu tenderske dokumentacije – (Aneks 6) , te potvrdu druge ugovorne strane o uredno izvršenom ugovoru, zatim
- b) Izjavu da se ponuđač nalazi na listi A ili B Federalnog zavoda ministarstva poljoprivrede, šumarstva i vodoprivrede da je ovlašten za usluge projektovanja vodoprivrednih objekata – Aneks 7

Ponuđač TALWEG d.o.o. sa sjedištem u Ul. Kaldurma 2, 75000 Tuzla je uz dostavljenu ponudu kao dokaze ispunjavanja traženih uslova *Tehničke i profesionalna sposobnost* dostavio spisak izvršenih ugovora popunjen na traženom obrascu (Aneks 6), uvjerenje o uspješnom izvršenom poslu br: 46-2-71/25 od 23.05.2025. godine te Izjavu da se isti nalazi na listi A ili B Federalnog zavoda ministarstva poljoprivrede, šumarstva i vodoprivrede da je ovlašten za usluge projektovanja vodoprivrednih objekata – Aneks 7.

Međutim analizom dostavljenih dokaza utvrđeno je da dostavljeno uvjerenje o uspješno izvršenom poslu nije u skladu sa podacima naznačenim u Aneksu 6 – Spisak izvršenih ugovora, sve iz razloga što je na obrascu - Spisak izvršenih ugovora (Aneks 6) naznačen ugovor „Izrada projektne dokumentacije za sekundarnu mrežu kanalizacije Raduša sa kućnim priključcima dijela MZ Raduša , općina Tešanj“ vrijednosti 6.000,00 KM, gdje je naručilac usluge po naznačenom ugovoru određena Općina Tešanj, a uvjerenje o uspješno izvršenom poslu br: 46-2-71/25 od 23.05.2025. godine u odnosu na naznačeni ugovor je izdato od strane Mjesne zajednice raduša iako ista nije naručilac usluge datog ugovora.

Shodno naprijed navedenom zaključeno je da punađač nije distavio dokaz (potvrdu/uvjerenje) o uredno izvršenom ugovoru od druge ugovorne strane za naznačeni ugovor „Izrada projektne dokumentacije za sekundarnu mrežu kanalizacije Raduša sa kućnim priključcima dijela MZ Raduša , općina Tešanj“, u predmetnom slučaju Općine Tešanj, te samim tim nije ispunio uslove tražene tenderskom dokumentacijom predmetnog postupka, pa je ponuda istog ponuđača odbačena.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz tenderske dokumentacije.

U postupku ocjene provedenog postupka, ovaj organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke komisije za javnu nabavku.

Uvidom u priloženu dokumentaciju, nesporno je da je izabrani ponuđač PGP Hidroinženjering d.o.o. Tuzla sa sjedištem u Ul. trgovinski-zanatski centar „Sjenjak“ bb, 75000, najbolje ocijenjen primjenjujući kriterijum najniže cijene, koja je ponuđena prema cijeni iskazanoj u ponudi broj: 26-1/05/26 od 26.05.2026. god. u iznosu od **1.880,00 KM bez PDV-a**.

Ostali ponuđači čije su ponude ocijenjene prihvatljivima ponudili su cijene kako slijedi:

Redni broj i firma ponuđača	Ukupna ponuđena cijena (KM bez PDV-a)	Popust KM	Ukupna cijena sa popustom (KM bez PDV-a)
1. TQM d.o.o. institut za kvalitet, standardizaciju i ekologiju	3.850,00	0,00	3.850,00
2. IBIS d.o.o. Zavidovići	3.120,00	0,00	3.120,00
3. Institut za hidrotehniku d.d. Sarajevo	4.100,00	0,00	4.100,00

Iz navedenih razloga, primjenom člana 64. stav 1. tačka b. a u vezi sa članom 70. Zakona o javnim nabavkama, odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke dopuštena je žalba. Žalba se izjavljuje Uredu za razmatranje žalbi Bosne i Hercegovine, Filijala URŽ-a u Mostaru putem ugovornog organa u roku od 10 dana od dana prijema Odluke. Žalba se dostavlja u tri istovjetna primjerka u pisanoj formi direktno ili preporučenom poštanskom pošiljkom na adresu Općina Banovići, ulica Alije Dostovića br. 1. 75290 Banovići.

DOSTAVITI:

1x Svim ponuđačima
koji su učestvovali u postupku JN
1x u spis
1x a/a



OPĆINSKI NAČELNIK

dr. sc. Mehmed Hasanović, dipl. ing. maš.